


Zuwenkalo san 2011

San 39nan - Boko 473nan

Songo = Dōrōmē 35



Kunnafonisèben bota kalo o kalo - BP : 24 - Téléphone : 20.21.21.04 Kibarufu bugufiyé Bosola Bamako

Kalo  
farkodora's  
Kibaruyaw

## Tigasene sansoroli senna ka summa Mali kono

Tigasene ye sénékelaw dōnfén kono ye nka Mali kono, tiga' forobasene man ca; duw de b'a sene kosebe u ka dunta ni musakako kama. San o san, ni sanji nanen hake y'a ta milimètre 400 na ka se 1200 ma, tiga be soro kosebe. Tigaforo hake min be sene o be se taari 180.000 ma. San 10 temenen in kono, kèmesarada la 23 farala tigaforo bonya kan; do farala tiga sorot hake fana kan. An be waati min na, tigasene be se ka ke cogaya caman na Mali cemanceyanfan fe. O sénécogo yelema in be ka sanga soro Keñeba, Kita, Bafulabe, Karata kónona na ani Sémudete ka sénékeyorow la. Kayi mara ye tiga soroyoroba ye. San 2008-2009, tiga toni 130.000 soro yen; ka toni 90.000 soro Sikaso mara la; Segu mara toni 82.000; Kulukoro mara toni 31.450; Moti mara toni 17.000; Tumutu mara toni 480; Bamako faaba ta bennna toni 500 ma. Nin yoro kofolen ninnu bëela, an jigi b'a kan ko tiga caman bëna soro ka teme nin kan. Tiga ye nafolosorofen ye sénékelaw ni tiga bayéléma izinitigiw bolo. A be bayéléma ka ke tigatulu, tigadegé, bagandumuni ani safune ye.

Jatemine min kéra faantanya kéléliko la Mali kono, a sémentiyara kotaari kelen tigasi be ben tigakise kg 60 ma, ko mögkelen be tiga min dun san kono o ye kg 2 ye; tigakise kg 1 girinya kèmesarada la, 40 ye tulu ye. Ojatemine keleny'ajira ko tigafarama kg 1 girinya la, 70 ye tigakise ye, 30 to ye kulu ye. San 2009 - 2010 kanpani na, tiga toni 241.976 min soro, toni 193.350 bennna tigakise ma; tulu toni 77.340 soro o la. Tigatulubz izini minnu be Kucala, Kulukoro ani Kita, olu ye tiga toni 102.500 bayéléma ka tigatulu tonni 34.490 soro. Tulu hake min be soro tigakise kg 1 na, o te surunya ka soro koorikolo kg 1 na.



Tiga ye nafolosorofen ye Mali kono

kono. Nka dögötör Lamisa Jakite ko fen min ye geleyaba ye tigasene na, o ye goferenaman ka demedonbaliya ani sénékelaw yere jesinbaliya y'a ma; kó nafasorosene lakika do don. Tiñe don koorisene kelen be k'a sen da tigasene kan; sabula ale be feere dije suguba la ka teme tiga kan. Nka tiga be jini cogo min na jamana kono, ani Afiriki tilebinyanfan ni dije fan wëre fe, ni goferenaman y'a bolo don tigasene koro, wasaba be soro tigako la. Kolosili la goferenaman be deme mindon koorisene na, n'a b'o nogònna don tigasene na, sisani tun b'a soro tigako sanga ka bonni koorita ye Mali kono, fo k'a ke sénéfén feereta ye kókan.

Deme suguya minnu be jini

goferenaman fe olu ye ka wari don tigasene dafe ani ka sanbaaw jini tiga sorotaw la. Tiga nafa dogolen te mögö si la. Du ka dög Afiriki kono tigadegéna te tobi min kono.

Dögötör Lamisa Jakite b'a fe tigasene ka don balaa nik'a bayéléma ka ke fen caman ye. Ni goferenaman sera ka sene kiferenw bila sénékelaw ka bolo kan i'n'a fo kooriko ta be ka ke cogo min na, an be yoro min na tigako la, bi tun b'a soro an b'o kórolen nsiirin da.

Mali kono tiga fanba be wòrò k'a kene walima k'a jeni k'a susu ka ke na na. Dòw b'a si wugu walima mansin na. Nibayélémani be ba la, tigatulu ni tigadegé be soro jamana fan bee fe.

Tiga be sene dugukolo min kan, a

be nafamafen do lase o ma; min be wele tubabukan na azoti. Ale nafa ka bon falenfen bée ma. Ob'a jira ko tiga e angere lase falenfen tow ma. Variko la sénéfén tow be wari lase a sénébaa ma cogo min na, tiga b'o cogo la. A be se ka nafolo ladon faso kun, ni faamaw mago tun b'a sénéni na. Sabula faso ka nafolosorofenw na, tiga togo folen te fan si fe. Tiga bayéléma izini kóni be Mali kono, nka sanga t'a la.

Jatemine min kéra faantanya kéléliko la Mali kono, a sémentiyara kotaari kelen tigasi be ben tigakise kg 60 ma, ko mögkelen be tiga min dun san kono o ye kg 2 ye; tigakise kg 1 girinya kèmesarada la, 40 ye tulu ye. Ojatemine keleny'ajira ko tigafarama kg 1 girinya la, 70 ye tigakise ye, 30 to ye kulu ye. San 2009 - 2010 kanpani na, tiga toni 241.976 min soro, toni 193.350 bennna tigakise ma; tulu toni 77.340 soro o la. Tigatulubz izini minnu be Kucala, Kulukoro ani Kita, olu ye tiga toni 102.500 bayéléma ka tigatulu tonni 34.490 soro. Tulu hake min be soro tigakise kg 1 na, o te surunya ka soro koorikolo kg 1 na.

Salifu Sangare ye jatebola ye sene nemogoyaso la; ale y'a jira ko tiga hake min be bayéléma Mali iziniw na, tigatulu tonni 240.000 be soro o la san kono.

Banbo Keyita  
Dokala Yusufu Jara

## Jamanakuntigi kumana zuwenkalo tile 8 hukumu kono

Jamanakuntigi nininkara kunnafonidilaw fe, a y'u jaabi, nogo ma to fosi la.

Kabini tóncamanko nana an ka jamana kono, zuwenkalo tile 8 kéra jamanakuntigi sigidon ye. Jamanakuntigi mana sigi, sanni a ka san 5 ka dafa, san o san, zuwenkalo tile 8 mana se, a ni kunnafonidilaw be sigi ka baro ke. Baro in be ke bamanankan ni tubabukan na.

Kunnafonidilaw ye kunnafoi caman kala seme jamanakuntigi la



ninan, i n'a fo san 2012 wote nataw, wote jatesebenku yélémasen kuraw fanga sigi bolow la, báarakelaw ka kénéyako lakanani diyagoyalen, jamana geleyaw ani mögö minenenw kóron fe doroguko la. A ka jaabi dòw file nin ye : Woteko la, jamanakuntigi y'a jira, ale kóni tena peresidanya jini. Wa k'a fo ko a kelen be k'a jena ta kaban, k'o te tijé ye, a ma mögö si ta, a ma pariti si deme, a bolomadalen te mögö si kan. A be

A to be ne 2nan na

ne folgt

dugawu ke, wote nataw ka na bo a ma, u labencogo ka ne, peresidan kura ka sigi zuwenkalo tile 8 nata min be ke sababu numan ye Mali ma. Mankan min be senna sisan, no ye wote jatemin esebenko mankan ye, jamanakuntigi ko jatemin eseben fila bee ka kan ale ye : Araweki / RAVEC ani Arasi / RACE. A be dugawu ke baaraw be se ka ne an bolo ni jatemin eseben min ye, o ka ta, walasa wotew ka ne. Fen min ye baarakelaw ka keneya lakanani diyagoyalen lahalayaye, ben kelen t'o kan kosebe. A ko ma faamuya kosebe fo murutiliw be nini ka bo a la. Jamanakuntigi y'a jira ko «AMO» nagaen fen numan te; nka

kunnafoni dibaliya, walima a dicogo  
juguya de ma ben sen ma.

Gelyea bejamana kono, o dogolen te mogo la; sango sunkalo seto min file nin ye. Sukaro ni malo ka se ka soro da noggona, o de ye jamanakuntigi haminako ye gelyaw kumbenni na.

Mögominé minnu kéra kosa in na,  
sida keleli nafolo tijeniko la ani  
koronfela döröguko, jamanakuntigiy' o  
tijetigiya. Mögów minena k'u don  
kaso la, k'u bila sariya ka bolo kan.  
Jamanakuntigi y'a jini kiiritigelaw fe  
u k'u ka baara ke laadiriya la ani  
fasokanu, ka jalakitigi jalaki ka jotigi  
jo, ka jamana ni jamanadenw ka  
hakew lasegin u ma.

I n'a fo a b'a ke cogo min na ka  
koro, jamanakuntigi ma folo ka  
nininkaliw jaabi. A y'a ka kuma

damine ni jamana cogoya ye : baara  
kelenw, minnu be senna ani baara  
nataaw.

Baara kelenw na, Bamako ni Dakaro siraba min be teme worodugu fę, a da sera o ma. Bamako ni Kangaba sira ka kan ka ban zuluyékalo in na. Bamako babil sabanan ka kan ka ban ka ben ninan setanburukalo tile 22 ma n'o ye jamana ka yeremahoronya sorodon ye. Baaraba minnu bolodalen be sirako la, n'u bëna damine hali a te men, jamanakuntigi da sera o dow ma, i n'a fo Bamako ni Segu ce dakabana siraba in, Nónón-ni Tumutu ce siraba, Buremu ni Kidali ce Siraba Bamako badingelabennibaarawfana bolodalen don. O baaraba in senfe, siraba bëna don ji jukçorò ka ba numanholo ni kininholo bila pagan

na. Mali kono muso tali k'a ke Minisirijemogo ye, jamanakuntigi da sera o fana na. A y'a jira ko muso min sigira Minisirijemogoya la, mogo tilennen don, sabali ni muju b'a la, a kalannen don, a be ko dɔn, a be ko kɔrɔ dɔn.

Sanu ye nafolo hake min lase Mali  
ma jamanakuntigi ka fo la san 2010  
kɔnɔ, o sera sefawari miliyari 100  
ma.

Dugujukōčonafolomafen tow, i n'a  
fotaji ni negeani dōwərəw, olu jeniniw  
be sennā wa an jigiw ka ni.

Tiñe don gelyaw bë, baloko  
gelyaw kalanko gelyaw,  
farikoloñenajeko gelyaw, kenyako,  
gelyaw adw, nka sini fana b'an ye,  
nibaara kera tiñe kan, bolodijogonma  
ani kotoñogontala kono .

**Mahamadu Konta**

# Ofisidinizeri hamie senekelaw ka soroyiriwali ye



*Ofisidinizeri nemogoba Kasimu Deno*

Mekalo banwaati la, Ofisidinizeri nemogoba Kasimu Denoye taama ke senekeworow la. Ofisidinizeri cakedajemogow ni zoni 6 ninnu kuntigw tun b'a nofe nintaama in na. A kun tun ye cikelakolidenw n'u nemogoka sigi ka kuma, ubee fana ni senekelaw ka se ka sigi k'u hakililaw jira nochon na.

Bee dalen b'a la dugukolo duman ni  
ji mana laboli ke cogo o cogo la, sene  
te ke ni mogow te. Ofisidinizeri ni ye  
Marakala barasiye; fo o de ka lakana  
kosebe. Cakeda min nesinnen b'o  
topotoli ma, Kasimu Deno n'a  
nafemogow folsla yen na. Dilannikela  
cekoroba 3 be ven. Olu v'a jira ko ni

minen jenamabaw ma nini barasi topotoliko la, kɔrɔlenw sanga be jini ka bin a ko la. U saba si kɔni ma kalan ka sɛben yamaruyalenw sɔrɔ; nka u hakilala kera ninye. Yanni u ka bolobo baara la kɔrɔ fe, k'u bɛna denmisɛn caman kalan Marakala barasi labencogo la. O de koson denmisɛn 34 nɔgɔnna bilalen b'u ka bolo kan degedenya la. Kilometre damado barasi temenen kɔfɛ, Siniwaw ka cakeda dɔ b'a la "ka dabaliw tige ji belicogo numan na jibolisiraba fe. Lamerikenjamana cakeda min ye «MCA-Mali» ye, oy'o baara in keli yamaruya di Siniwajamana k'o cakeda in ma. Kogobolo min jolen be jibolisiraba cemance la, a tun b'a la k'o kari ka bo yen. Sabula ale de be ka jibali ka boli kopuman. Bogo meterekibu 2.520.000 de kelen be ka kogobolo in dilan. A to labobali tun te teme meterekibu 50 kan bilen Ofisidinizeri nɛmögɔba ka taama in don na. Siniwawy'ajira ala, kokalo 2kuntaala kɔnɔ, ubena se k'o beebi labo. Siniwaw ka cakeda wɛre be Ofisidinizeri kɔnɔ, o be ka senefensilakolokoloyɔrɔ dɔ baaraw matarafa ka fara senekeminenw sifielibaa rayɔrɔ dɔ

kan. Ocakeda in be k'o baara in ke u ni «IER», ni Ofisidinizeri ka baarakənəgonya hukumukono. «IER» ye cakeda ye Malikono, min ka baaraw nesinnen be seneferw ni jirisiyenw silakolokololi ma.

Nbewani minye yorōkosa labennen ye Ofisidinizeri kono, Kasimu Deno serā yen. Poroze min bē wele «PAMOCP», o bē ka foro taari 2.500 laben yen. Foro taari 1950 min fana bē ka laben Ndebugu, o dabolen bē du 1000 kama dugu 20 njogonna mogow ye. Dugu 4 b'olu la minnu lawulila ka bō u sigiyōrō kōrōw la Ofisidiizeri baaraw senfë. Baaraw bē nini ka ban, kēmesarada la min kera o ve 99 ni murumuru 6 ve.

Kucalakura ye dugu ye min be Kemasina fe. Ofisidinilizeri nemogoba ye sefawari miliyon 2 ani 500.000 soroliseben (seki) di musojekulu do ma yen ka bɔ Lamerikenjamana lasigidenso yɔrɔ. Muso ninnu tun y'ɔ lajnini ke lasigidenso in na u ka nakɔlafenw bavélémani siratige la.

Kasimu Deno sera zoni fen o fen kono, a y'a jira o kuntigiw la u k'u fanga digi sumansi nafama kuraw kan, ka sene kewaati bolodalenw labato. A ye zoni ninnu

tilemafesēnēkēyōrōw lajé. Zoniw lajé kuncera ni lajéba ye baarakelaw ni njogōnce. N'o yesenekelaw kā cidenw, u njemogow ani Ofisidinizeri njemogoyaso mogow ye. U kumana kanpani temenēn baaraw kan, k'u hakililaw fo njogon ye nataw la. O de koson Kasimu Dēnō y'a jira ko cikēlakoliden faamuyalenbaw be to u jigi kōrō walasa u ka baaraw k'u nafa, Ofisidinizeri fana ka lajiniw ka sabati. Senefen suguya caman seneñi b'ala, dunkafa sabatili hukumu kōro. A ko zuwenkalo nata in yere la, mansin kuraw bēna sifile. O mansin ninnu bē maloturu, k'a tige ani k'a gosi. Yiriwali siratige la, fo Ofisidinizeri kākē misali numan ye k'a sababu k'a baarakelaw ka cesiri ye. Kasimu Dēnō labanna k'a jira, ko a bēna ke laada ye, ladiyalifen bē di cikēlakoliden nanaw ni seneñela nanaw ma kanpani o kanpani. Lajé in kuncetō, seneñelaw ka cidenw, seneñeso njemogō, zoniw kuntigiw, kominiw kōnseyew ani serekilw komandanw, nin bēs ye foli ke Ofisidinizeri njemogoba la, u ka nin miiriya numan in na. U bēs dijēna ni Ofisidinizeri ka taabolow ye dunkafa sabatili la Mali kōro.

Amadu O. Jalo Dokala Y. Jara

Mali yamaruyara ka taa ni mogo 7000 ye san 2011 hiji la Makan

Jamana kōnokow ani marabolow minisiri Zenerali Kafuguna Kōne n'a nofajama tun bë Makanjamana kan k'a ta awirilikalo tile 8 na' ka se a tile 21 ma. Taama in kun tun ye, u ni Makan faamaw ka kuma hiji temenen kow kan, ani ka san 2011 hiji boloda.

Zenerali Kafuguna Kone ka minisiriso baarako jekulu kuntigi Bubakari Badara Jara y'a jira ko Makan ka Hiji minisiri ye foli lase Mali ma san 2010 hiji labenko juman na. K'a b'a jini an ka jamana fe a ka to o sira juman kan. Hijidenw be sitane bon yero min na, u k'o sariyaw labato; Miina sigi fana min be ke «Tawafu», o jama kana caya ka hake teme. O de koson Makan faamaw y'a jira ko «Tawafu» kuntaala ka janya; K'a ta tile 13 nan na ka se 14nan ma. Ko fen min ye hijidenw taakasegin ye yoro in na, geleya dow b'o la halibi. Walasa ka nogoya don o ko la, Makan y'a jira ko hijiden tilance ka taakasegin ke dugujukoroteren fe, min be wele «metoro». Kenye nasira la, a be jini Mali hijidenw fe, u kana dumuniw san yalakafeerelikew bolo. Fen min fana ye bolominenku cogoya ye pankurunw kono, o sariyaw be labato. Minen suguya 3 dagalen be hijiden kelen-kelen ye pankurun kono. Minensiri fila be don donitayoro la. O kelen-

kelen girinya kana teme kilo 23 kan. Minensiri 3nan a n'o be se ka don pankurun kono. O girinya kana teme kilo 10 kan. Mog si koni tena yamaruya ka don ni woro caman ye Makan kono. Zenerali Kafuguna Koné ka taama senfe, Mali y'a tegeno bila seben na, min b'a yamaruya ka taa ni hijiden 7.000 ye Makan san 2011. Goferenaman be taa ni mog 1.500 y'olu la, kenyereye cakedaw be taa n'a to 5.500 ye. Mali ka hijiden bee be jigin Médini. Bubakari Badara Jara y'a jira ko Makan faamaw ko kenyereye cakeda fen o fen te se ka taa ni hijiden 100 ye njogon fe, tali yamaruya seben tena di o ma. O kofe dabali be bee tige walasa ka Mali hijidenw kunben kojuman, ani k'u bere bere ka ne dumuniko la fo ka hiji kuntaala dafa. Hali ni san 2010 hiji labenna ka ne Mali fe, jalaki binna a ka kenyereye cakeda 15 kan: sabula u ma waati folen caman soro

Foli ni tanuni de lasera cakeda 10 njogonna ma, u ka layidu tiimeni na. O siratige la, Bubakari Badara Jara y'a nini kenyereye cakedaw fe, halibi u k'u timinandiya walasa Mali ka kunkörötä soro hiij labenni na.

**Bayi Kulubali  
Dokala Yusufu Jara**

# Jema, Masiga Jawara kera Jawaraw ka nemogoba ye

Nin don in na, Jawaradu bëe ka mögo tun be kéné kan : Ayise Ka, Banjugu Ka, Daman Ka, Haren Wali Ka, Wali Ka, Sanbu Ka, Debe Ka ani Mokoti Ka. U jéra ka Masiga Jawara sugandi k'aké Jawaraw ka nemogoba ye Mahamadu Jawara no na. Ale tun be bo Awuru, Nara mara la. A fatura nin y'o kalo 6 ye.

Masiga Jawara be bo Buguli, Lakamane komini na Jema mara la. Asigili lajeba senfë ka ke jawarakabila bëe nemogoba ye, Daman Gile ka npanmuruba tara ka di a ma. A si hake te san 108 na.

Amadu ba ye gafe min sëben n'a be wele «Saheli tilebinyanfantariku», o b'a jira ko Jawaraw bënba ke tun be bo Larabujamana na. Sebenni wërew nininikelaw fe, olu y'a jira k'u bënba ke in buruju ye Banisirayila, Walima Ecopi ye. Seere dòw fana y'a jira ko Jawaraw te dòwre ye marakaw ko. Jawaraw bënba ke min lako dönnna kabini lëwale la n'o togo be mögöw da halibi, o kóni ye Daman Gile ye; n'o ye Daman jan ye marakakan na. Ale tun ye donsoké farimanba ye. Tariku y'a jira k'a möke tun ye larabula sorodasi zenerali dò ye, min tun b'u ka kélécew nemogoya la u nato Sudan jamana kono. K'o kélébolo in to ka Sahara kungo ceci, un'i kélébolo wëre karila nögön na, kéléce bëe tora o la fo n'a kéra zenerali in kelen ye. O de

sigiyoro labanna ka ben Sudan ma körön fe, fo ka muso furu yen. Sorodasi jalabatigi in denw na körabalent togo tunye Masa Mulu Men. tariku la, ale dé fana den ye Daman Gile ye. Abangera san 1300 waati la.

Sire Aba Só fana ye tarikudonna ye. Ale y'a jira ko Daman Gile ye masaké köroba dò bënsen ye min tun be wele tubabukan na «Alekisandere legaran». O tun ye Maseduwani masaké ye. Maseduwani tun ye jamana ye Biligari ni Geresijamana dancew la. Kéléce farinba tun don, togo nikow ka di min ye kosebë. Tariku wërew y'a jira, ko Jawaraw buruju ye Kingi ye Nara mara la. Ko Nagate maraka minnu tun ye kotigw ye Kingi, olu ye Daman Gile gen ka bo yen, n'a taara a yere Kalifa Sunjata Keyita la Manden. O min'tun ye Mandenfaama yea waatiwla. Sunjata Keyita sorola ka Daman Gile deme ka Kingi marakaw kélék'la lasegin a faso la.

Daman Gile tun be soro ce janba ye. A kaburu be Banbagede. Turungunbe ni kénéka ce ka digikorón kan. Léron mara la. Kaburu in kundama b'a ta metere 6 la ka se 7 ma. Kingi kungosogo tun ka ga kosebë, o de la Daman Gile, tun dagalen be yen a ka donsoya baara la. Mögöw ka fo la, a tun be se ka kilometere 200 taama tile kono. Ob'a

jira ko mögo kologelenba tun don. Amadu Ba ka tariku la, mögo do bora Makan, ka na npanmuruba di Daman Gile ma ladiyalifén ye. O togo tun ye Alakoyi Musa. Jawaraw ka kumalasela Sékéné Detéba Kamisoko y'a jira ko nemogoba 3 de sigira Jawaraw kunna Daman Gile kó; n'o ye Elhaji Sanba Jawara ka bo Turungunbe, Mahamadu Jawara ka bo Awuru ani Masiga Jawara ka bo Bululi. ALé kéra Jawaraw ka nemogoba ye san 2011 in mëkalo tile 1. Nka mögo saba bëe ka nemogoya ye kosa in na ko ye. Folo sigira san 2006; sabula bënbalija tun donna u ni nögön ce ka nemogoko lajofolo. Nka bënkelena kan kokura, Jawarakabila be fan o fan fe, yamaruya dira bëe ma, o k'a ka nemogoba sigi. Sagone ni Dabo, olu tun farala ka bo Jawara tow la, o tun be san 700 bo. Nka san 2006, Jawaraw y'a jini ka fara nögön kan n'o te k'u fanga sëbekorø dogoyara. O de la Sagone ni Dabo, olu farala nögön kan ka kuntigi sigi u yere la. Jime Ayise Jawara sigira Bamako, Jawaraw ka nemogoya folo yela ola. Ale fatulen, Maduba Jawara sigira o no na ka bo Dawudabugu. Walasa dò ka ke kuntigi ye, fo a ka köröya ni kabilia mögö bëe ye, seb'i ye o t'a la, se t'i ye o t'a la, halalako t'a la. Hali n'i hakili dafalen te, i be sigi; fo n'i man koro ni bëe ye. Nka ni

sosoliba donni köröyako la, ko ne fosi ma se ka soro o la, woteli suguya do be k'u nnnemogö fila ni nögön ce. U be buguritonni fila ke ka fennin do dogo ton kelen juköro, ka denmisennin do wele o ka na ton kelen wögöba. O denmisennin mana folo ka buguriton folo min wögöbe, kiiri be tige o kan. N'a y'a soro fennin min dogora ton do kono n'o soro o juköro, o tigi be sigi; nka n'a ma soro o juköro, ton do be mögo min togo la o be sigi, ka to kelen ke o kankörösigi ye. Ni Jawara nemogoba be sigi don min na, u be taa a faamakunben ka n'a sigi nturaje wolo kan jama cemance la. O ntura be faga sigili hukumu kono. Galiduw be bila a numan fe, ka Kamisokow bila a kinin fe; Sakow be bila a ko tuma min na u b'a sensen ka na wolo kan. Koyitaw, Wagew, Kamisokow, Sudugaw ani Geserew de b'a sig wolo kan, ka muge je don a sen na, ani ka fugulaba don a kun na. Kamisokow be soro ka Daman Gile ka npanmuruba don a bolo. O be to kalifa la a bolo fo ka taa a fatu don min na. Npanmuru y'a ka nemogoya masiri ye, muge jey'a ka fokabentaamasiyen ye sigida la. Fugula b'a ka munu ni timinandiya kofo a ka nemogoya in kono. Nka Jawara nemogoba te se mögöma; bëe deb'a segere a ka so n'i mago b'a la.

Uka Ba / Dokala Yusufu Jara

## «BAD» bëna sefawari miliyari 45 di Mali ma

Soro ni nafoloko minisiri n'o ye Lasina Buware ye ani Afiriki yiriwali banki n'a nansarakan da ne surun ye «BAD» ye, o ka lasigiden min be Mali kono n'o ye Amadu Cérino Jalo ye, o ye musaka sëben 2 tégénobila Marakala sukar porozeko la ani Mali ni. Lagine ce kurankow sinsinniko la, alamisa zuwenkalo tile 3 san 2011.

Afiriki yiriwali banki ka lasigiden ka fo la, Mali ni Lagine ce kurankow sinsinni bëna ke sababu ye ka kuranko jiidi Mali ni Lagine kono.

Soro ni nafoloko minisiri Lasina Buware ka fo la Mali ni Lagine ce kurankow sinsinni ye CDEAO jekulu haminakoba dò fana ye sango Fomi ni Bamako ce ani Nserekoro ni Fomi ce.

A kuranko musakaw be taa sefawari miliyari 2 la, Mali ka musaka bota y'o la sefawari miliyon 620 ye.

Marakala sukaroko poroze bëna ke Mali ni «BAD» ka baara nögönya folo ye senefenw bayelemaniko hukumu kono. Sefawari miliyari 275 bëna don a poroze dafe.

«BAD» bëna jo n'a musaka sefawari miliyari 43 ye. O sefawari miliyari 43 la, 20 bëna don sukar senefero taari 14.132 labenni dafe, 23 to bëna ke ka sukar bayelemani izini kelen jo min ka baara bëna ben sukar toni 190.000 bayelemani ma san kono ani alikoli litiri miliyon 15. Ola a be ke sababu ye ka do fara Mali sukar labenta haké kan san kono. Lasina Buware ka fo la, Marakala sukar poroze in bëna baara lase Maliden 40.000 ma.

Sori Ibarahimu Kulubballi

## Wulu hakili ka di

Mögö o mögo delila ka wulu mara ka teme, walima mögo o mögo ye wulutigi ye, o b'a dòn ko wulu hakili ka di. Misali la n'i ye ko jugu ke wulu la, a be se ka kalo caman ke kasoro o ma bo a kono. Nka a hakili diya o diya, a te hadamaden bo. Sabula wulu ka hakilijigin sirilen be kasako de la. Mögö dun ta sirilen be dajew an i jaw la. A hakili kéné b'a ta santimete 2 la ka se 3 ma; wulu dun ta b'a ta santimete kene 60 na ka se 200 ma. Wulu be kasa suguya minnu men, a be mankan minnu men ani mögöw be maga a la cogo minnu na, a te nini olu ko joona:

Hakili suguya saba be wulu la : a be taamasiyenw dòn bolo la; a b'a ka nisondiya n'a ka nisongoya jira ka kéné ni ko körö temenewn ye. Misali la bagandöro mana pikiri fariman ke wulu la, n'i nana n'a ye o yoro kelen na sen wëre a be muruti. Hakili be wulu fe ka tulonke ke mögo fe. O de la wulu dòw ladamunen don. U be mögo walima a tigi kan men. Mögö min be wulu ladiya ani k'a bërebëre, a be soro ko caman ma o bolo. Nka n'i ka jugu a ma, a fana b'a mabo i la. Ko o ko ka di wulu la, a b'a nini i ka to k'o k'a la tuma bëe la.

Dosokoro (wuluc) kono ka musoko ka jugu. N'a ne dara wulumus bwlilen kan, a be sin ka tugu o kó; a mago t'a tigi la bilen. Wulu be dumuniba ke; kungoya la ka di a ye kosebë.

Dogotoro Bubakari Jare  
Dokala Yusufu Jara

## T a m a n i n baganeereyörc kura kurunbonkarila

Tamani dugu sigilen be Namina ke nekayanfan fe Kulukoro Erezon na. Ani Namina ce ye kilometre 35 ye.

Bamananw, fulaw, bosow, sémow, surakaw, kakolow ani marakaw de ka ca Tamani. Seneke duguba doñi ani baganmaraduguba.

Nka baganmara yiriwali feerew ka dögo Tamani. O hukumu kono, baganmara minisiri ni o ye Bokari Tereta ye, ye baganfeereyörc kura do kurunbokari Tamani. Baganw sannifeere ye Mali jamana nafasoro siraba do ye. O koson baganfeereyörc dayeleli ye baganmara minisiriso nikankoba do ye. Tamani baganfeereyörc kura in bëna ke sababu ye ka baganw sannifeerekoyiriwakosebë Mali kono ka fara Segela ni Sirakorobugu baganfeereyörc kan. A musakaw benna sefawari miliyon 37 ma.

Bokari Tereta ka taama laban na Namina, a ni Namina monnikelaw ye sigikafé ke monni yiriwalikola Namina dugu kono.

Lasina Jara  
Sori Ibarahimu Kulubballi

## Musobila ye ko koro ye Belédugu

Belédugu laada ka ca. Musobila y'a do ye. Ale tun ye wajibilaadaw do ye furu kono. Muso furulen tun be se ka san 3 fo 4 ke kasoro a ma se ka bila.

Ce somogow ka daga fosi te muso kan furuso kono kasoro a ma bila. Ce tun mana bo muso kofurula n'a bolofen minena kaban, i n'a fo a ka woro 3, muso somogow tun b'a fo ko maminenka ke. A musaka koni tun man ca; sabula furu tun be lateme nognedeme kono. Maminenifén tun ye: sisemuso 1 ni dononkoro 1, segi ne kelen jo, tere kelen, woro 20 n'o ye bolo ne fila ko ye.

Nin fen kofolen ninnu taadon muso faso la, ce se tunye hakeminyefurunafolo mumé na a tun b'o fara olu kan. Nka a tun man kan ka jigin dorome 5.000 jukoro. Mogokorobaw tun te son folo, ka furunafolo dafalen mine celakaw bolo nognon fe. Okofe muso be se ka singa a ce ma ka san 3 fo 4 ke kasoro a ma segin ka n'a bila a faso la furuko to dakeneniko la. A bilali dun ye wajibi ye ni furunafolo ma sara ka ban.



Isa Jalo

Hali ni ce min tun y'a ka furunafolo dafalen di, denfaw tun be do fara ka bo o la ka lamara bolo te se o ma ni furu in donneen ma san kelen dafa. Muso dili a ce ma yanni ka laada bee latilen, o tun ye nognedeme nasira do ye Belédugu kono. A be fo o waleya in ma «singa». Ce muso koni don; nka somogow ka wajibiba t'a kan fo ka furu laada bee latilen tuma min na. Singa konona na, muso tun te foroba tobili ke, a te sena fana ke foroba foro la. Muso be se ka taakasegin k'a cela n'a faso la singa konona na yanni ka se a bilali ma a cew fe furaci kama. A be fenminnusoro yereyebaraw la, olu be faara a ka konominen sorolen kan; a mansaw de b'o jini ka di a ma.

Furaci kofe, muso somogow

tun be ce fila ni muso fila da minen sorolenw kan ka taa olu ni muso di a celakaw ma. O dili in fana ye musobila do ye. A be ke gintanba kono. U be taa alamisadon fe; musobilalaw be komasegin sibiri min be na alamisa ko. Musobila yere be ben juma ma. Musobilajama min be bo muso faso la, o tun te bonya, a kana taa ke doniba were ye celakaw ma. Ci gelenw tun be don musobilace dala ka lase celakaw ma furu topotoliko la fan fila bee fe. U be tile 3 min ke muso cela la, u be fana ni dumuni kerenernenne ye. Hali u be kosegin sibiridon min fe, donsiraladumuni be tobi uye. Celakaw fana tun be na sisé 4 (sisemuso 2 ni danonkoro 2) jira u la bonya ye. Sisemuso 1 ni donon kelen be faga u yedonsiraladumuni na, to fila be na u bolo ka sama u cibaaw ma. O waati la bako ni sagako tun te fananidumuniko la. Nka an be don min na, ba be faga musobilalaw ye. U be segin n'o kaman ye ka na di u cibaaw ma.

Isa Jalo ka bo Kédugu,  
Dugabugu komini na Katí

## Danfen bee n'a lahalaya

Danfen bee n'a lahalaya; dantandfen fara kumatawkan. Sa be se suguya 2300 ma. Nka sa minnu baga ka farin olu ye 250 haké ye; a to 2050 baga te olu la; Sa te dumuni kei n'a fo danfen tow misaliya la. Ni yé miniyan ta, ni miniyan ye sogo kunba kunun, a be se ka kalo 2 ke a dalen ka soró a ma taa yore were la, nk'a be tile 15 doron ke a dalen n'a ye sogo misenwkunun, i'n'a fo kónine, sosannin ani waramisseninw. Dankalanni ngorinko fana be o cogo la. Sa te dumuni kei n'a fo danfen tow, wa tilema fe a be se ka kalo 6 ke a te ji min; a ka taama fana man ca tile fe, sabula hali ni mininya be na

wuli ka bo a dayoro koro la a be wuli sufe. Dankalan fana be o cogo la cénimusoya ta fanfela la sawka cénimusoya man ca kosebe; sabula a te teme sije 2 kan san kono wa u be fara nognon na ni musoman ye fanda damine. Ni samuso ye fanw toro a be taa ka denw to, denw bee be u yere balo. Sa kolotuguda be se 250 ma a te nimini ke; a ka dumuni bee ye kununni ye sabula nin te a da kono min be se ka nimini ke ni sa be cinni ke to a k'a yere walawalan; sabua kurulen te se ka cinni ke. Sa nekili te komi, u te yala kulu ni kulu, u be yala kelen-kelen walima fila-fila. Yaya Mariko  
ka bo Senu, Bamako

## Sinji fila farabaa ye jonnii ye?

Don o don, mogo be ninjininkali in k'a yere la : Ko sinji fila farabaa ye jonnii ye? An faw don? Walima an baw de? A be se ka ke mogo were ye wa?

Ne be yafa nini an faw fe. N'o te n'i ye ne nininka, ne b'a fo sinji fila faraba y'an faw de ye. Sabula du caman kono bi, cekoroba min be se ka sigi ka tijé fo a denw cema, o man ca. Min b'a denw kodon nognon na yanni a ka fatu, o de ka ca bi. Walima cekoroba ka tilenbaliya fe, a fatulen ko, a denw be ban nognon na. Jatmine na, benbaliya min be den caman ni nognon

ce duw kono sisan; a caman ju ye u fa walima u faw ye. Den kosa ma ka di kojugu. Cekoroba caman te se ka tijé fo a den ncinin ye walima ka ko bo a ta la. Den mandi caman ka konumanke man ca de. Ladamuni sira fe, ce man kan ka denlawoloma ke. Ni mogo min ma ke miseli ye k'i denw kala nognon na, kana son i kewale jugu ka k'u farali sababu ye.

Ne ka foli ni tanuni be an baw ye; sabula min b'a denw kodon nognon na olu la, o man ca.

Asani Tarawele ka bo Kokura, Kapolondugu komini na Sikaso

## Bamako-Dabanaani

Ne siranna Dabanaani ne. Mogoo do be fen do san i koro dorome 100 na yoren kelen; o b'a fo k'ale y'o san dorome 1000. Ko ka dorome 1.200 di ale ma o la.

Dabanaani na, ce ni muso si te sira bila si ye. Sanni jugu ni feereli jugu, o be Dabanaani na. N ti dón, i te n dón dama-dama de be nognon soro Bamako Dabanaani na. Hine te yen; a b'i n'a fo Dabanaani te Mali yoro do ye. A dun be fo ko Mali ye hine ni makari jamana ye.

Ne koni siranna Dabanaani ne. Cew ni musow ka nognondan yoro don. Sotaramatigw ni mototigw nognonforogiyoro don. Dabanaani, n'a tena ke Dabawooro y'an bolo!

Sotaramatigw k'u ta ye siraba ye, mobilatigw k'o te tijé ye. Mototigw ko hali n'o te tijé ye, a' y'a to anw k'an den ka teme. Sennamogow k'olu ma, a' y'anw k'olosii yanfe. Yuruguyurugu min be ke Dabanaani na o te doonin ye. Sira cemance kelen be feerelikoyoro ye. Ko n'i ye tijé fo bi, i te war i soro! Dabanaani ye patisakana ye Bamako kono.

Berema Berete ka bo Diyu, Kajolo mara la Sikaso

## Goferenaman k'a mago don Mali lakoliko la sa

A be ka fo ko kalan ka ke. Yala netaa be Mali lakoliko la wa? Jigisigiyoro ni sinijesiyoro na ke Mali lakoliden bolo wa? Alifa Umaru Konare y'a ka fanga san 10 ke kalanko yoboyaba kono, fo ka na se Amadu Tumani Ture tile ma. Jinan y'o san 10 fana dafato ye. Do be ka fara Mali lakoliko tijeni kan. San 20 kalankebaliya, fen min b'o la kalankela bee b'o k'ololo juguw don. A fara ko lakoliden minnu si haké ye san 16 teme, olu mana Deyefu soro u te bila kalanso were la goferenaman fe. O waleya in kera sababu ye ka lakoliden min ka kalanko tijé, haké sit'ola. Sabula se ba te u somogow ye k'uka kalanwariw sara kenyereye lakolisow la. Nka taabolo kura min fora n'o sera ka waleya, o be son ka ke sababu ye ka lakoliden caman hakili sigi. N'o te ka don lakoli la kabini i san 6, ka kalan ke makarikola, i selon Deyefu ma kasoro k'i labila i yere ye, o ye kojuguba ye jamana kono. A be lakoliden bo a hakili kan k'a fa jigi tige, k'a ba jigi tige.

Yaya Mariko ka bo Senu Bamako

## An k'an sebe don baganinturu fe

Baganin'ye jiri ye, min nafa ka bon kosebe. Misali la wulakonomusow be baganin ke safune ye. Safune min dilanna baganin na, o be kanga kosebe ka teme safune tow kan an yere be minnu dilan.

O temenen kofe, a jirala ko baganin tulu be bo, k'o bayelema ka ke gasiwali ye. Ninbee kofe, jiri t'an ka kungo kono tuguni an be minnu tige k'an ka sinsanw dilan. Baganinde be ka jiri joyoro fa sinsanko siratige la. Ka da nin nafa kofolen ninnu kan baganin na, hakilila caman dira serékélaw ma u k'u

timinandiya baganinturu fe. Ohakilila numanw dibaa dow ye kungo lakanabaaw ye, ka fara poroze dow fana kan.

Nka o n'a ta bee, baganinturu selen te ka sira numan soro folo yoro caman na. Any'a k'olosi, mogocaman donna baganinturu la ka san kelen fo san fila ke, kasoro a ka baganinforow ma se ka yiriwa.

A dun jirala ko ni baganin sije turulen ye kalo 6 soro, a ka kan ka den ke. U ko n'a kise fana dannen ye san kelen soro, a ka kan ka den ke. Nka anw fe yan, an ye baganinsijew ni kise caman

dan; u ka ca ni san fila ye bi u ma den ke folo.

O baganinforo fanba sabatibaliya sababu ka ca. Mogoo caman te baganinturu sabatibaaraw matarafa i n'a fo senefen tow be labaara konuman cogo min na. Samiye fe u mana baganin turu kaban, ni fo bora u b'u makobo a ladonni na fo ka taa se samiye kura ma. O dunmana ke baganinturulen caman be tijé tilema fe. Kungojenitasuma be foro dow tijé.

Bagabagaw fana be baganinsuncamandiliwñimi, olu be sa. Nka misiw donni baganinw cela, o de ka jugu n'a to bee ye. U senw be da baganinjuw kan k'u nemanogosi; u be laban ka sa.

N'an b'a fe an ka baganinturu k'an nafa, an k'an janto baganinforow la, k'u ladon samiye ni tilema bee la. Daramani Sise ka bo Nognaso, Sanzana komini na Kinan Sikaso

Kalankene n° 107nan :

## Sariyasunba tigeda XIIIInan :

### Soro ni hadamadenya ni donko togolabulon

Sariyasen seegin be tigeda tan ni sabanankono. A be damine sariyasen 106nan na ka se sariyasen 113nan ma. A be boli fanga sigibolo min kecogoya n'a ka baaraw nefoli kan, o be wele Soro ni Hadamadenya ni Donko Togolabulon. Obulon in, se ni yamaruya b'a bolo, k'ada donjamana yiriwalikobee lajelen na, sangosoroko nasiraw la hadamadenyakow ani seko ni donkow. Jekulu o jekulu ka baara nezinne be nin dakun ninnu sabatili ma jamana kono, nin bulon be se ka baara ke o bee fe. San o san, Soro, Hadamadenya ni Donko Togolabulon, be seben ke jamana cogoya kan, a ka dakun ninnu na. Hami ni jorenako minnu be jamanadenw na, bulon in be nin bee ke seben ye. O seben ninnu be ci jamanakuntigi ma. U be ci goferenaman ma. Ube cidepitebulon ma.

Bulon in ka kunnafoniw sababuya la, san o san, fanga sigibolo si te se k'a fo k'i te jamanadenw haminankow n'uka lajniw donsoroko kan, mogoya siraw ani seko ni donkow. Bulon in nafa kama, diyagoya don, a ka nininka k'a fela don jamana ka baarakenafolo cogoya kan san o san.

Soro ni seko ni donko ani hadamadenya yiriwali porogaramu si te se ka sigi sen kan, k'u waleya jamana togo la, kasoro bulon in ma nininka, a k'a fela jira.

Mahamadu Konta

## Maakorobaro : Kuma ni boboya

Hadamaden be bange ni nen ye a da, a be kuma, walima a be bange ni nen ye a da, a te kuma.

Hakilifafo ye daamu ye, hadamaden ma dan soro min na. A koromasurun ye ko i kana bo dunun koro ka taa i kono fo walima ko n'i ma min fo i siriyora la, i kana o fo i fonyiora la. Nin bee de be diya kofo min be kuma na.

Diya be kuma na, kuma de be mogo ke k'i yere lafaamuya, kuma de be nogonfaamubaliya ban, kuma de be ben don mogow ni nogon ce, bangebaaw n'u denw ce, balimaw ni nogon ce, mogow ni nogon ce.

Kuma be hadamadenya funteni k'a diya nisinkunyatulonye, nogon lafaamu tulon, damu kono.

Ni kuma tun te, hadamaden tun te ke. Jekafye daamu ye. Fen ma to kuma ko. Dusu ka farin ni tasuma ye bawo dusu de be tasuma mene, tasuma ka farin, a te dusu bo bawo dusu be mogo don tasuma na. Kuma de be dusu faga, a kana tasuma mene. Ni tasuma yere menena, kuma de be farinya bali a ka teme ni dusuye ka don tasuma na.

Kuma ka ni, a nechi ka bon, dan te a nafa la. Nka kuma be, boboya be.



Daramani Tarawele

Boboya ye fine ye min be kuma bali hadamadenma. Hadamaden be wolo ni boboya ye walima a b'a soro bana sababu la i n'a fo kanjabana, min be hadamaden mine. A cogo filanan ye cogoya ye min kono, hadamaden be kuma, a ka kuma man ca. Kuma cayabaliya b'a bila bobow fe. Lamocogo, lamoyoro be nin boboya nogon latige hadamaden ma.

Denmisen be lamo, a be ladamu. Denmisen be kuma dege lamo kono, ka kalan kuma na ladamu kono. Ni boboya bora o kono, o tigi te kuma diya don, o ye degun ye min bora fine na, fine min be hadamaden to hadamaden kono.

Lujurato be ko hadamadenya kono, mogoto don. Boboya ye lujura

Dukune n° 82nan :

### Karadante (bugunnatigeseben)

Sariyasunba y'a jira ko diyagoya don fanga sigibolo tow, peresidan, goferenaman, depitebulon, u bee ka jaabi di ni Soro, Hadamadenya ni Donko Togolabulon ye seben ci u ma jamana ni jamanadenw cogoya n'u haminanko gelenw kan san kono.

Soro, Hadamadenya ani Donko Togolabulon mogow ye jonnw ye? Sendikaw togolamogow b'a kono. Tonw ni jekuluw, baarakelaw olu ka mogo sigilenw b'a kono. Sigida lakodonnenw ka mogo sigilenw, maliden minnu sigilen be kokan, olu ka mogo sigilenw fo ka taa se jamana mogo kalannenbaw ma soro, hadamadenya ni donko siratige la, olu bee b'a la.

Soro, Hadamadenya ni Donko Togolabulon be laje ke sihe fila san kono ni jekulu in peresidan ka lanini ye. O laje ninnu kuntaala te teme tile 15 kan. O laje ninnu ka kan bee la, bee be se ka ye a kene kan.

Mogo minnu be Soro, Hadamadenya ni Donko Togolabulon kono, olu b'u ka peresidan na ka dankan sigi san duuru kuntaala kono, u ka laje folo senfe.

Bulon in mogo si te se ka nobo, k'a segeseg, k'akiiri, a kabaara hukumu k'ono n'ono. Bulon in labencogo, a ka baarakcogo, a sigisariya n'a k'ona sariya, olubedantigejamana sariya fe.

Mahamadu Konta

Fasodennumanyasebenw ka ca, karadante walima bugunnatigeseben y'a do ye.

Du kura fara du koro kan, wajibi don, karadante ka soro jamanaden kelen-kelen bolo.

Nka a be dow nena k'a soro ka gelen. A soro man gelen. An bena o de nefo aw ye nin Dukene in kono :

**Bugunnatigeseben soro cogo n'a soro yoro:**

Bugunnatigeseben be soro polisola; zandaramuso la, ani serikili la, n'o ye komandanso ye.

N'i be taa bugunnatigeseben dilanyoro la, i ni foto (3) be taa.

- bugunnatigeseben koro, n'o te yen, i ni woloseben be taa, walima gatigiseben, walima i ni furuseben be taa nka minnu waati ma ban. N'o si t'i bolo dun, i ni seere fila be taa bugunnatigeseben numan be minnu bolo.

- Tenburu songo ka ke i bolo, bi naani ka se keme ma.

N'i sera n'o bee dafalen ye baara minnu be ke olu file :

- bolokonindenw be da mana na;

- kundama hake be ta;

- Aderesi dafalen be ta : bolon nimoro, da nimoro, kin ni dugu;

Fanga ye min fo wari sarata hake la keme fila sefawari la.

Fanga ye min fo karadante soro waati kan : tile kelen (léri 24).

Mun kunnafoniw be bugunnatigeseben kono?

- wolodugu
- komini
- malidenya sementiyali
- togo ni jamu
- bangebaaw togo : Fa ni ba
- wolodon - wolosan - woloyoro
- sigiyoro
- kundama
- farikolo ne
- kunsigi ne
- farikolo cogoya (ni fine b'i la, n'a t'ilala)
- fanga bolono n'a taamasiyew
- tenburu
- foto (ja)
- bugunnatigeseben nimoro (o be sanfe)
- bugunnatigeseben, labendon, asan, kalo an'a yoro (o be senfe).

Mahamadu Konta

## Dine bee la mogo surunmannin

Azigu woroduguyanfan fe ka digi koren kan. Filipini jamana be yen. Junreyi Balawingi minlakodonna dine bee la mogo surunmannin ye karidon zuwenkalo tile 12 san 2011, o be bo o jamana in na. Ce don min kundama ye santimetre 53 ni murumuru 93 ye. A si hake be san 18 na. Den min be san 2 hake la, a man jan n'o ye.

Kazandara Tapa Magari min tun lakodonnen be dine bee la mogo surunmannin ye ka bo Nepali jamana na Azigu kan yen, o kundama ye santimetre 67 ni murumuru 8 ye. Juneyi Balawingi ka surun n'ale ye. A fa ye numu ye; o y'a baden 4 na korbelen ye, nka olu to 3 si te mogo surunman ye.

Juneyi Balawingi n'a mansaw be dugu min na Filipini, o ye Sindangan ye, jamana woroduguyanfan fe. A fa ye Oronaldo ye; o ka fo la, kabini Juneyi si hake ye san 2 soro k'a to hake min na fen ma fara a kan bilen. Dogtorow ma se ka kun fosi soro ka fo a mobaliya la. A te se ka jo a senw kan ka meen, hali taama na fo mogo k'a bolo mine. A te se ka fosi ke n'o ma digi a fari la.

**Karamogo Daramani Tarawele**  
ko y'an bolo denmisew ka ko

# Sida ye bana furakëbali ye; a kolo ma dogo san 30 in kono

Sida ye bana ye fura soroen te min na folo. A lakodönnen be san 30 bo bi; a ye mögo miliyon 30 nögonna faga ka ban. Sidako kelen be ka dijne mögöw wuli ka jo u senw kan ni waribabow ye. O kelen sababu ye ka nöba bo sida kelen la dogotoro furaw fe.

Lamerikenjamana dugu min be wele Atilanta, sida döñko folo kera yen san 1981 zuwenkalo tile 5. Utun ye Kaliforini denmisen 5 ye. Cew tun don minnu be kafoñogoya ke nögon na. U fasalenba tun don ka sögsöggö jugu k'u la. Kalo kelen o kofe, dun juguba yera denmisen 26 were farikow la. Olu fana tun ye Lamerikenjamana denw ye minnu be kafo nögon fe u ce dama. Togo min

soro ka da bana in na o kera sida ye. N'o ye bana min be mögo nagasi fo ka se a ka hadamadenya banni ma.

San 1983 tubabu dogotoro döw ye sida bana kise lasa farikolo la. U y'a jira k'a be soro sidabanabaato joli, a negejiw ani muso sinji la ka fara ce lawaji kan. Ni sida ye mögo sosogo kabon, sögsöggö jugu de b'a min. San 30 in kono, sida ye mögo miliyon caman daji, ka falatow caya Afiriki kono, du caman cira ani ka mögo caman bila möromörö la dijne kono. San 1986, dogotorofura do soro min be sida fanga dögoya farikolo la. Sida kelen waribonba do sigira sen kan san 2006 la; san o san o be sefawari miliyari 11.000 dalaje a baaraw kama.

Dijne tönba bolofara min nesinnen be sida kelen ma n'o ye «ONU-SIDA» ye, o nömögöba Miseli Sidibe ye nin kunnafoni indi : Sida ye dijne yelema, ka hadamadenya sabati sira do dayele faantanjamana ni setigijamanawce. Fondason Bili Geyiti fana be wariba don sida kelen dafé dijne kono.

Cew walima muso minnu be kafonogonya ke nögon na, olu yere be k'u sen don sida kelen la. Buruno Sipine tun be laje do nömögöya la; o y'a jira ko mögo kofolen ninnu b'u ka banaw cogoya döñ, k'u nöfödögötörow ye. Obe ka sida kelen nögoya. Sida te mögo faga tuguni hali ni a keneafura ma soro folo. Sidato ladonni bana kan'a

faga, o ye timinandiya dan bec ye; a musaka fana ka ca kosebe. An be don min na sidato saba o saba, kelen be furaw soro a nöma. Nkä min ka jugu a la, mögo tan o tañ be furakeli damine, i b'a soro 5 ka bana mine tuma ma mæen. O la feere fen o fen be sidako la, o y'a kumbennibaaraw ye.

Waleya döw b'a la ka no bo a ko la sisan; n'o ye cemanninw bolokoli ye. Mögo saba o saba, o bolokoli be 1 tanga sidabana ma. Banakisefagalaw tali musow fe ani sidafuraw tali kelen be sababu ye ka caman bo sida yelemani fanga la mögöw ni nögon ce. Dokala Yusufu Jara

## Bana jugu ka ca dijne jamana caman kono halibi

Dijne keneyatönbä (OMS) y'a jira a ka san 2011 mëkalo tile 31 seereyasëben kono, ko saya ka ca jamana hake minnu kono, do be ka fara o jamana hake kan ka taa a fe, k'a sababu ke mögöfagabana suguya fila ye.

Mögöfagabana suguya folo ye bana dagalenw ye; i n'a fo sukarodunbana (jabeti), dusukundimiw, ani dun.

Suguya filanan ye bana minnu be soro kenemafénw fe; i n'a fo fogonfogodimi, kono boli ani sumaya.

Saya hake min be ke dijne kono, n'i y'a tila kulu 3 ye, kulu fila bec sababu ye dusukundimiw, joli jigginni kunkolo kono, jabeti anidun min be don mögöw fari la. K'a sababu ke bimögöw ka si jan soroani dijne sögöli ka bila nögon na o kolo jugu. Dijne jama b'a la ka

sebekörcaya; o n'a senkörökomin minnu ka jugu hadamaden ka keneya ma.

Siramin, sigaretimin, mögöw menni sigiyörönen kelen na, balokojuguya anidöbäbamin, ninnubefine bila mögo caman ka nönamaya la. «OMS» ka kolo sili la, ce tan o tan, ce naani be sigareti walima sira min. Muso tan ni kelen o tan ni kelen, muso 1 fana be sira minolula. Balikuseeginoseegin,

1 ye mögo kono dagaba ye.

O de kama jamana si man kan k'a ka keneya sabatili nesin banabaatow furakeli dama ma: Fen min be se ka banaw lase mögöw ma, fo olu bec kelen ka ke cesiriko ye.

Faantanjamana, dusukundimi, kono boli ani sumaya b'a la ka mögo caman piripako; sabula olude ye den caman ka saya sababu ye; denmisennin minnu si hake te teme san 5 kan. San 2009 kono, kemesarada la den 40 fatura banaw fe kasoro si hake te teme tile 28 kan. Fojamanaw k'u nesin keneya sabatili ma kosebe, walasa yiriwali kuntaala jan naniya minnu sirila yanni san 2015 ce; olu ka se ka tiime. Do koni kera; nka a töba be.

San 2009 ni bi ce san o san kemesarada la 2 ni murumuru 7 bora densaya hake la dijne kono. Ka kona san 1990 waatiw ne, kemesarada la san o san 1 ni murumuru 3 de tun be bo a hake la. Denmisennin minnu si hake te teme san 5 kan, caman yere bora o sata hake la. San 1990 y'a soro san o san miliyon 12 ani 400.000 be fatu; san 2008 y'a soro o sata jiginni ka se miliyon 8 ani 100.000 ma.

Fen min ye denbasaya ye, kemesarada la k'a ta san 2000 la ka se bi ma, san o san 3 ni murumuru 3 bora o hake la. Kasoro san 1990 y'a soro san o san 2 de tun be bo o la. Musokonoma minnu tun be fatu walima ka to musokelé la, o tun be 500.000 bo san 1990 waati la; do bora o la san 2008 ka se 300.000 ma.

Ajirala fana kojamana camankono, do farala keneya musaka kan. Okera sababu ye ka do fara mögöw si hake kan. Mögo hake min tun be san 64 soro o tun man ca san 1990 waati la; nka san 2008 y'a soro mögo caman be san 68 soro. Dokala Y. Jara

## Dörgu be lanço lase jamana ma

Mögo miliyon 4 fo 5 min be Eröpu gun kan n'u be dörgu ta, olu ka dörgu tata fanba be bo Ameriik gun woroduguyanfan fe. Odörgu juguba min be wele kokayini, a be Eröpu lasoro Afiriki ani Antiyijamana fe. Döw yere be bo ni kokañini ye Ameriiki ka sin Eröpu la. Dörgu doncogo ka ca a tigilamögöw fe. Kosa in na, jamana yiriwalenba 8 minnu be dijne kono, olu kono kono minisiriw be laje la, min b'a to u b'u tegé da dörgu soro siraw kise kan.

Laje in be ke Pari, Faransi faaba la. Ameriki ni Afiriki jamana döw minisiriw bëna ke a laje la. Faransi jamanakuntigi Nikola Sarakozi tun y'a naniya a ka ke zuwenakola walasa u na se ka je k'u fanga ke kelen ye dörgu kelen la baaraw la. Nikola Sarakozi ka fo la, kokayini be soro kosebe Kolombi, Peru ani Bolivi jamanaw kan Ameriki kan. A be lase Eröpu gun kan kerefjamana caman fe; Afiriki tilebinyanfan jamanaw b'o la.

Dörgu kelenba nana do y'a jira ko san o san kokayini toni 700 be soro Ameriki gun woroduguyanfan fe; ko toni 300 te ladon o la Eröpu kono. Hake min be ladon Faransi dugukolo kan o b'a to toni 15 la ka se 20 ma. O te EspaÑi; Itali ani Angiljamana taw

bö; nka san o san do be fara a fana kan.

Mögo hake min tun be kokayini ta Lamerikenjamana kan o tun ka ca; nka do be ka bö o la. K'a sababu ke Mëkisiki jamana. O jamana in be Lamerikenjamana ni Ameriki woroduguyanfan ce. A faamaw te son dörgu ka teme u ka jamana fe. Dörgu hake min be sene, a tilance bës be sin Eröpu la batonw ni pankurunw fe. Tilance dokemesarada la 20 be Eröpu lasoro Antiyijamana fe, 30 b'a lasoro Antiyijamana fe, 30 b'a lasoro Afirikitilebinyanfanjamana fe. Okunnafoni in minena polisiw la. Dörgu dönsira kura min dayelen file nin ye Afiriki fe kabini san 2000 waatila, o de kelen be jörenakoba ye bi. Sabula kogojikolo min be Afiriki nii

Eröpu ce, o fiye man bon kosebe ka furance tow bo.

Dijne tönba «ONU» bolofara min nesinnen be dörgun ani kojugubakelaw kelen ma, o y'a jira ko kokayini be teme Ginne Bisawo, Senegali, Kapuwéri, Benen, Gana, Gine Konakiri ani Moriitanii fe ka don Eröpu kono. O de la o jamana ninnu kono kono minissiriw be ye laje in kene kan Pari. Dörguko fanga mana bonya jamana yiriwalen ma a be lanço lase o ma; kuma te faantanjamana ma.

Jateminew na kabini dörgu mana bo Ameriki gun kan ka se Afiriki kono, mögöw b'a doni dogo la döñin—döñin ka Eröpu lasoro n'a ye pankurunw dugumasiraw ani monnikebaton mankanw fe.

Dokala Yusufu Jara

## Kunnafonidila 101 fagara san 2010 kono na

Dijne kono, tönba min nesinnen be kunnafoniko ma, o y'a jira ko san 2010 kono na, kunnafonidila 101 fagara. O tilalen 3 ye, tila kelen bës kera Azi gunn kan. Jateminew y'a jira ko Azi gun kunnafonidila fagalen sera 40 ma. O 40 na, Pakisitan jamana kelen ta y'ola 15 ye, Ameriki gun kan mögo 32 fagara yen.

Kabini dijne kunnafoniko cakeda «IPI» ye kunnafonidilaw ka kasaaraw foli fatine san 1990, hake min fagara san 2010 kono o nögonna tun ma ke folo. San 2009 kona ta hake sera 110 ma. Mögo tan ni tora o la Filipinii jamana kelen kan. Cakeda in y'a jira ko kunnafonidilaw fagali be ka caya jamana caman na; o b'a jira ko nangata sebeköro nesennen b'u ma.

# Kalo farikolojenaje kibaruyaw

## 1 - Mali bilala kulu (A) la Aforobasiketi

**la :** Afiriki jamana njanaw be njogon soro Madagasikari cemanninw ka basiketi njogondan na, k'a damine utikalo tile 17 ka se a tile 28 ma san 2011. Jamana 16 be njogon soro a kene kan. O jamana 16 tilala kulu naani ye.

**Kulu A jamanaw ye :** Madagasikari, Nizeriya, Mozambiki ani Mali.

**Kulu B jamanaw ye :** Angola, Cadi, Maroku, Senegali

**Kulu C jamanaw ye :** Kòdiwari, Afirikidisidi, Kameruni, Eziputi.

**Kullu E jamanaw ye :** Tinizi, Togo Santarafiriki, Uruwanda.

## 2 - Nunununukanw be sen na ko Barisa b'a fe ka Sedubilen feere :

Tine wa nkalon? Barisa koni b'a fe ka ntolatanna kura saba san, omusakaw be se Erowari miliyon keme (100) ma. Obèben sefawari miliyari 65 ma. Fan caman fana kelen be k'u bolo bo Sedubulen nofe.

**3 - Zimbawe ye Mali gosi 2 ni 1 :** Karidon, zuluyekalo tile 5, Mali ni Zimbawe ye njogon soro Harare Zimbawe faaba la. A kera 2 ni 1 ye

Mali juguya la. Sanga 45 folo la, ntola tun be 1 ni 0 la zimbawé kanu na. Mali ye bi 1don tako filanan na. O donna Elhaji Mahamani Tarawele fe. Ntolatan laban na Zimbawé ye penaliti 1 soro k'odon, k'u ta ke fila (2) ye. Nin ntolatan in ye Mali to coron ka taa a fe. Jila dusu tijena jalatigebaga koro, ale genna ntolatan laban na. Nka Mali jigila ma kari pewu; bawo n'an sera ka Kapuweri ni Liberia gosi, a do la an be ye Kani 2012 kene kan min be ke Gabon ni Gine Ekuwatoriiali. Mali ka kulu la Kapuweri be nefe ni kuru 7 ye.

Mali ye filanan ye ni Kuru 6 ye. Zimbawé ye 3nan ye ni kuru 5 ye. Liberia ye 4nan ye ni kuru 4 ye. Jamana fila min mana tow dan, olu be taa Kani 2012 la.

**4 - Mali ni Gabon 0 ni 0 :** Olénpiki farikolojenajeba min bëna ke san 2012 Argilejamana kan, o ntolatanw hukumu kono, Malini Gabon ye njogon soro, a kera 0 ni 0 ye. A komasegin kera Bamako yan. Gabon y'a gosi 1 ni 0. Mali bora. Ni Mali tun ye se soro o la, o tun y'a sen kelen donnen ye

Olénpiki farikolojenajew kono. Bawo Afiriki jamana 8 de ka kan ka njogon soro. O 8 na, jamana 3 minnu mana be dan olu be taa Angilejamana na san 2012.

## 5 - Sitadi Maliyen be sanpiyona ten kan :

Bamako tönbaw be ka njogon falen-falen sanpiyona ten kan. Joliba tun don, sisani Sitadi Maliyen don, tile 22nan ntolatanw bannen ko.

Sitadi Maliyen Kuru 49

Joliba Kuru 45

Ereyalli Kuru 36

## 6 - Kupudimali tako folow be sen na :

Kupudimali ye ciko kelen ye i be bo. Jaabi minnu soro la olu file :

Sitadi ni Duguwolonwula : 6 ni 1;

Onzi Kereyateri ni CSS : 4 ni 0;

Joliba ni Sorodasiw : 1 ni 0;

Ereweyi Kulobu ni Sigi : 1 ni 0;

Mamahira ni ASB :: 2 ni 1;

COB ni CSK : 2 ni 1;

ASKO Atari Kulobu : 9 ni 0;

Bakarijan ni Ereyalli : 2 ni 0.

## 7 - Musontolatan njogondan :

Mali musontolatan njogondanw be senna : A to tora belebele naani ye : AS Manden, Sorodasiw, Siperiliyoni ani

Ereyalli muso ntolatannaw :

Mandenkaw ye Ereyalli gosi 2 ni 0, sorodasiw ye Siperiliyoni gosi 5 ni 3.

## 8 - Musontolatan kupudimoni be ke Alimanjamana kan :

Jamana belebele saba be yen, garijegé de bëna olu bo njogon na : Alimanjamana, Lamerikenjamana ani Berezili. Alimanjamana delila ka musow ka kupudimoni ta sije 2.. Nin sen in na a be ke u yere fe yen. U t'a fe k'a je cogoya sila. Lamerikenmusow fana ni dalen don kupu in kan kelekele. U fana delila k'a ta sije 2 : San 1991 ani san 1999. Jinan FIFA y'a jira ko Lamerikenmusow be joyoro folo la ntolatan na dije kono. U b'a fe ka taa o sementiya zuwenkalo laban in na Alimanjamana kan.

Bereziljamana musow, be da benna u ka ntolatan njogon kan; nka u ma deli ka kupudimoni ta folo. U koni delila ka se finali la, o be se njogonkunbenbaw kene kan tuma be; nka kupu be ta yewu ka bo u njoko. U hakili la, ninan y'u ka san ye.

**Solomani Bobo Tunkara  
Mahamadu Konta**

## Mun be mogo ke denmansa sebe ye?

Elodi Singali ye hakililakow dombaana nana ye. A ka nejininibora ni lahalaya dòw ye, n'u sera ka ke mogo min na, o ye denmansa sebe taamasyen ye. Lahalaya 10 njogonna don; denmansa kelenna bees ka kan k'a jilaja u ka se ka ssoro a la.

**Kanuya ni bonya :** Mogo ka kan k'a jira a den na k'a ka di a ye, a b'a fe fana. O b'a to den fana ka k'a mansa fe, k'a bèreber. Kanuya ni fe min y'o ye, obè se ka jira den na kene kan, n'i mago donnî y'a la walima ka tulonw k'a fe. Nka o te mansa ma wajibi ye de. Sabula denmansa werew be se ka soro yen, minnu b'u ta latemni feere werewye. Farikolojenaje, tobili, finiko ni minenko, dòw be ninnu ke u denw fe. Dòw yere be yala misenninw

ke n'u denw ye; ka to k'a file walima ka baro ke n'a ye. A te dabo nin ko folen ninnu nafa kama; nka k'a ke ni den ye nafa min b'o la, a kun de y'o y'e

**Djiinetjé walima dusukasi latemni kasoro a ma taama den kan:** Ni mansa djiine tijenendan, a ka kan ka mun ke? Sabula a nena be se ka sisi hali a den koro kasoro o ka ko t'o la. Wa a be ke den nena k'ale no b'o la. Mogo ka kan k'a yere wajibya ni feere dòw ye walasa den kana nénasisi in ta a ne kan.

**Mansa fila ni njogonc:** Mogo ka kan k'a jira u den na k'u yere be njogon fe ni njogonbonya ye. Den caman b'a nemada a mansaw njogonminécogo fe ka k'u fe walima ka ban u do la. Ni

dòw be to ka do sebekoro nenî, taalen nefe den b'a mabo o tigi la. A te sama a nofe, a ko te diya a ye. Mansa fila mana njogon minne ka ne, u kanuya be bonya u denw kan.

**Den bilali ka ko dòw ke a kolo la :** Ni den be körbaya, mansa k'a to a ka farikolojenaje do ke. O ye jantonyerla sira dönni ye don koro a ka keneya sabatili la.

**Diineko:** Mansa k'a jini a den ka ke limaniyajon ye. A k'a bila diine sira kan n'o waleya dòw keli ye ni den ye.

**Hakililatige:** Mansa ka se k'a den bila hakililatige kono. N'o ye k'i janto a la kasaara kana a soro. Ni den ma lamo kolosili kono, a be mo i n'a fo bagan yéremabila.

A tén a neko n'a tijeko don. Den bëna kodon k'a b'a yere makaran tuma min na, o b'a soro kalan t'a ne bilen. O de koso wulikajow be sen na, minb'a todantemewalew be dabila njogya la duw kono.

**Dokala Yusufu Jara**

## Yéléma donna Mali ka san 2011 baarakénafoloko la

Minisiriw ka laadalatonsigi kera arabadon zuwenkalo tile 22 Kuluba; a nemogoya tun be jamanakuntigi Amadou Tumani Ture bolo. U ye sariya do naniya siri; n'o ye yéléma donnî ye Mali ka san 2011 baarakénafolo bolodalen na. O kera ka da kun do kan. Sabula san 2010 baarakénafolo bolodalen, yéléma donna o la ka da geleya dòw kan. Walasa ka san 2011 taw nesigili teliya la, sariya naniya sirilen nana o hukumu kono.

O siratige la san 2011 baarakénafolo latilenna ka ke nin cogoyaw ye : Mali jigi be nafolo soro hake min kan, o ye sefawari miliyari 1.275 ani miliyon 775 ye; kasoro a tun fôra k'a jigi be min kan o tun jatera ka ke miliyari 1.196 ani miliyon 732 ye. Kemesarada la o ye 6,60 faralen ye folo kan.

Musakaw be se sefawari miliyari 1.423 ani miliyon 744 ma; kasoro a tun fôra k'o miliyari 1.338 ani miliyon 917. Kemesarada la o ye 6,34 faralen y'o hake kan. O sababu ye musaka kura bolodalen ye. I n'a fo jamanadenw bëna wote min ke n'o y'u sonni n'u banni ye sariyasunba yélémaw kun kan; deme minnu bëna don sene kefenw dafe, ani jiko ni kuranko dafe ka fara poroze bolodalen werew waleyali musakaw kan.

N'i ye jatemine ke baarakénafolo naniya sirilen in na, i b'a ye ko o be dese ni sefawari miliyari 147 ani miliyon 969 ye; kasoro nafolo bolodalen koro tun ka kan ka dese ni miliyari 142 ani miliyon 185 ye. Kemesarada la 4,07 b'o ni kura hake ce.

Jogo kolosili: Mogo k'a den ladamu ka ne. Ko bëe kana diya a la, k'a bila dijé fe ten. Dan sigilen don a ye ko dòw keli la; n'a kera k'a b'i kankorobô, mansa ka kan ka mun ke? Jogo numan minnu b'a la i b'olu lakodon a ye, k'a jogo kolonw fana fo a ye. K'a jira a la k'a ko ka di i ye; nka k'a jogo kolonw de bëna a negebo i la. Ni kuma te k'a ne, i bë se k'a nangi. Nka o nangili in koni kana ke bugoli ye, walima a farikolo pangatacogo wére. Mansa min ka baara ye bugoliba ye, ob'a jira ko feere wére fosi t'o bolo k'a don karata (ladamu). I tun b'i ka fe jira den na ni ko minnu ye, i b'olu de tige

«AMAP» kuntigi  
Solomani Darabo  
kanw kunnafonisèbenw  
baarada kuntigi  
Ilanze Samake

**BP : 24** Téléfoni: 20-21-21-04  
**Kibaru Bugufiye Bosola**

**Bamako - Mali**

**Sebennijekulu**

**Mahamadu Konta,**

**Dokala Yusufu Jara**

**Labugunyoro : Kibaru gafedilan  
baarada**

**Bolen hake 16 000**

# Molodo, Ofisidinizeri y'a ka san 2011 - 2012 kanpanji daba ne folo ke

Molodo zoni na, Ofisidinizeri ka san 2011 - 2012 sene kanpanji daba ne folo ke. A nemogoya tun be Abu So bolo. Aleye minisiriye minisiriye nemogokerefe minka baara nesinnen be Ofisidinizeri yiriwali ma. Segu goferenneri Birema Seyiba ni Faransi lasigiden min be Mali kono n'o ye Kirisitiyan Ruyeri ye, olu tun b'a kene kan. Ofisidinizeri nemogoba Kasimu Deno kumana san temenen kanpanji kan. A ko Ofisidinizeri ye senefew silakolokoloyoro, senekeminen kuraw sifileliyoro ani senefen suguya caman seneyoro ye walasa dunkafa ka se ka sabati Mali kono, Afiriki tilebinyanfan fe, ani Afiriki mume yere koro. Kasimu Deno ka fo la, foro hake min be se ka laben Ofisidiniferi kono, o be taari miliyon 2 bo. Min sera ka laben o la folo, o ye taari 100.000 ye. An be don min na senekella 65.527 be baara ke yen ka bo dugu 277 kono minnu jama mume be se mogo 420.000 ma. Goferenaman ye angere songo nogo yea u ye, ka fara gerekamalo (Nerika) seneni nogo yaba raw kan. O demeni ninnu musaka be se sefawari miliyari 2 ani miliyon 285 aniba 177 ani 342 ni murumuru 4 ma. Deme in ka fara forosonjiw dicogo ni laadilikan numanw kan, olu kera sababu ye



*Abu So ye minisiri ye min ka baara  
nesinnen be Ofisidinizeri yiriwali ma*

Ofisidinizeri k'a tege da malokaama toni 630.000 kan a ka kanpanji temenen na; n'o ye tilemafeta ni samiyefeta mume ko ye. A ye jaba misenni toni 220.000 fana soro ka fara nakolafen toni 130.000 kan. Kasimu Deno y'a sementiya, ko sannifeeri kera cogoya numan na senekejekulu fe. Fen min ye senefew bayelemani ye, o ye Ofisidinizeri haminakoba ye bi. San 2010 - 2011 sene kanpanji na, kemesarada la 95 sera ka sara jisongo na. Sida keleri sira fe, jolisegesegyoro do jora Kurumari

zoni na. O baaraw damine ni bi ce, mogo 529 nana u joliw segesegé yen u yere ma. Senekelaw b'o la, u ka nemogow b'o la. Nka an be don min na, sida banakis ma soro a mogo si kelen joli la. Foro taari 4.570 min sera ka laben san 2010-2011 kanpanji kono, o bena labila u senebaaw ye san 2011-2012 sene kanpanji na. Fen min ye jibolisiraba folo labenni ye, goferenaman tilala o baarawla pewu. A to ye Ofisidinizeri ni senekelaw niyorowy. Ofisidinizeride be jibolisira filananlabben, kemesarada la 96 kera o la. Senekelaw be jibolisira sabanan laben, kemesarada la 55 kera o la. Kunnafo ni, jibolisira ninnu be se labenni musaka be se sefawari miliyari 5 ma.

Ofisidinizeri be ka dabali do tige jibolisiraw laboli la, n'o ye ka baarakeden camanta ka bila baaraw la. Baara yamaruyasaben 323 tegenobila a ni baarakejekulu 195 ce, minnu musaka mume sera sefawari milliyon 488 ani 96.600 ma. Denmisen 6.632 y'o jibolisirala baa raw ke.

Kasimu Deno y'a sementiya, ko balodeset Ofisidinizeri kono. Malo be ka feere songo duman na, nakolafen w kerebete. O de koson

Ofisidinizeri naniya ye malokaama ton i 662..390 soro li ye san 2011 - 2012 sene kanpanji kono. Kemesarada la o be ke 5 ni murumuru 14 faralenyen kanpanji temenen ta hake kan. Kanpanji temenen, nogondan tun be senekela 177 ce. U bee tun y'u kandi, k'u bena malokaama toni 8 soro taari kelen na. Mogo min kera joyoro folo y'olu la, o kera Barahima Sisuma ye Nono zoni na. Ale ye toni 9 ani kilo 460 soro taari 1 na; senekemansin min be wele motokiliteri, o kelen dira a ma jansa ye. A musaka be se miliyon 2 ani 198.000 ma. Joyoro filanan kera Suleyimani Kulubali ye; Masina zoni na; ale ye toni 9 ani kilo 320 soro taari 1 na. A jansara ni malowromansin 1 ye, min musaka be se miliyon 1 ani 120.000 ma. Joyoro sabanan kera Musa Sanogo ye Kemasina zoni na; ale ye toni 9 ani kilo 300 soro taari 1 na. A jansara ni nin minen minnu ye: sarimisi 2, misidaba 1, bogokurucilan 1, sumansiwi ani taari 3 angere. K'a ta joyoro 4nan na ka se joyoro 8nan ma, ulukelenna jansara ni taari 3 angere ni sumansiwi ye. Bee ta musaka be sefawari 54.000 bo.

Amadu Omaru Jalo  
Dokala Yusufu Jara

## Tesene ye nafolosorobaara ye Afiriki kono

Te seneni donna Afiriki gun kan Angilew fe san 1900 waatiw la. A be sebekoro sene jamana caman fe, k'a feere wariko magow kama kokanjamanaw na. San 2007 ni 2010 furance la, kemesarada la 49 farala tew songo kan. Hali ni te be sene dije jamana caman fe, u be Azi gun jamanaw k'o tesene na halibi. Afiriki kono, te be sene kosebe Afiriki koronyanfan fe, ka da o dugukolow n'a neema cogoya kan.

Kenya be joyoro 4nan na tebasoro la dije kono; kasoro n'i y'a ka soro jate mine, kemesarrada la a te teme 8 kan te mume soro la dije kono. Jamana werew be yen, ii n'a fo Uruwanda, Tanzani ani Malawi, olu fana be ka nesoro tesene na kosebe Afiriki kono. San 2009 ani 2010 kalosaba folow y'a

soro kemesarada la 69 farala Keniya ka te soro la. A sera toni 111.700 ma. Linan a jigi be toni 315.000 kan. N'o dun sera ka ke, o b'a jira ko san 2009 ni bi ce, san o san kemesarada la 15 be fara Keniya ka tesoro la. A ye te toni 111.700 min soro san 2010 kono na, toni 72.000 feerela Mombasa. Kemesarada la o benna 22 ma a ka san 2009 te soro la. Keniya b'o tebafeere min ke jamana kakan, okera sababuye kemesarada la ka 68 fara a ka nafolo soro la. N'o ye sefawari miliyari 160 ani miliyon 900 ye. San 2010 kono te kilo kelen songo tun be sefawari doreme 273 ani murumuru 6 la; kasoro san 2009, te kilo 1 songo tun te teme doreme 208 kan. Keniya ka te sanbagabaw ye Eziputi ni

Angilejamana ye. Cakedaba fila n'o ye «Lipton» ani «Unilever» ye, olu de be te sebekoro sene : Burundi, Kameruni, Kongo Demokratiki, Ecopi, Keniya, Lesoto, Malawi, Mali, Madagaskari, Ili Morisi, Mozambiki, Nizeriya, Uruwanda, Ili Seseli, Afirikidisidi, Suwaziland, Tanzani, Uganda, Zanbi ani Zimbawe. Nka fo n'a bora Lesoto, Mali ani Ili Seseti la, a to bee be te sene k'a feere jamana werew ma. Malawi, Uganda ani Tanzani, olu de dalen be Keniya kann tebasoro la Afiriki kono. Keniya ka te soro kemesarada la, 8 be ben Malawi ta mume ma san kono an be yoro min na. San 2007 kono na, te hake min feerela dije kono, o sera toni miliyon 1.464 ma.

Nansarajekulu kelen ye toni 335.815 san. Kemesarada la o be ben 22 ma dije te mume na. Angilejamana kelen ye toni 157.280 san, Alimanji ta kera toni 488.408 ye.

Nansarajekulu jamanaw na Alimanji de ye tebasanna filanan ye ka da Angilejamana kan. Jamana werew be dije kono minnu fana be te sebekoro san; nk'a ts folen fila ninnu bo. Ojamana towye Eziputi, Pakisitan, Afuganisitan, Kazakisitan ani Ameriki kenekeyanfan.

Dokala Yusufu Jara